

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 454147 23 St
Tuzla, 05.03.2024.godine

Općinski sud u Tuzli, sudija Antonela Đaković kao stečajni sudija u stečajnom postupku nad stečajnim dužnikom „nad imovinom dužnika „HMD-ALDI“ d.o.o. za pružanje usluga, proizvodnju i promet Tuzla, Amalije Lebeničnik br. 38, nakon provedenog prethodnog stečajnog postupka donio je dana 05.03.2024.godine slijedeće:

R J E Š E N J E

OTVARA SE stečajni postupak nad imovinom dužnika „HMD-ALDI“ d.o.o. za pružanje usluga, proizvodnju i promet Tuzla, Amalije Lebeničnik br. 38, MBS:1-11969, JIB:4209630690006, račun broj:132-100-03089955-45 otvoren kod NLB Banke d.d Sarajevo.

Za stečajnog upravnika imenuje Amir Mujezinović iz Tuzle, ul. Armije BiH br. 13.

ZAKLJUČUJE SE stečajni postupak nad imovinom dužnika „HMD-ALDI“ d.o.o. za pružanje usluga, proizvodnju i promet Tuzla, Amalije Lebeničnik br. 38, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama F BiH, te dostaviti FIA-i.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjelenju registra ovog suda, radi brisanja stečajnog dužnika iz sudskog registra.

O b r a z l o ž e n j e

Rješenjem Općinskog suda u Tuzli broj 32 0 St St 454147 23 St od 15.12.2023.godine, pokrenut je prethodni postupak radi utvrđivanja uslova za otvaranje stečajnog postupka nad imovinom dužnika „HMD-ALDI“ d.o.o. za pružanje usluga, proizvodnju i promet Tuzla, Amalije Lebeničnik br. 38, a za privremenog stečajnog upravnika imenovan je Amir Mujezinović iz Tuzle, a sve temeljem člana 61. Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 08.01.2024.godine. Iz izvještaja privremenog stečajnog upravnika proizilazi da je djelatnost društva bila trgovina na veliko i malo, primarno alkoholnim i bezalkoholnim pićima, koja se obavljala u iznajmljenim prostorijama. Od početka 2009.godine do donošenja odluke o prestanku rada društva i pokretanja stečaja 09.08.2023.godine društvo nije imalo poslovnih aktivnosti i jedini zaposlenik je bio direktor. Društvo ne posluje jer mu je glavni račun otvoren kod NLB Banke d.d. blokiran. Stečajni upravnik je utvrdio da je osnivač i direktor društva Hadžimustafić Denis, da društvo nema zaposlenika, niti pokretne i nepokretne imovine. Društvo ima obaveze prema Poreznoj upravi FBiH u iznosu od 95.025,55 KM, a prema knjigovodstvenoj evidenciji ima evidentirane obaveze po kratkoročnim kreditima kao i obaveze po osnovu PDV-a iako prema potvrdi UIO BiH, RC Tuzla nije PDV obveznik. Stečajni upravnik je mišljenja da su ispunjene pretpostavke za otvaranje stečajnog postupka nad imovinom

dužnika društva „HMD-ALDI“ d.o.o. za pružanje usluga, proizvodnju i promet Tuzla, Amaliје Lebeničnik br. 38.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl novine F BiH“ broj 53/21), a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je Javnim pozivom od 19.01.2024.godine pozvao predlagača, povjeriоce i sva zainteresovana lica da u roku od 30 dana od dana objavljivanja poziva u službenim novinama uplate iznos od 3.000,00 KM na ime otvaranja stečajnog postupka, iz kojeg predujmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjeriоci i sva zainteresovana lica objavljeno je u Službenim novinama F BiH broj 9/24 dana 02.02.2024.godine, oglasnoj tabli suda dana 22.01.2024.godine i na web stranici suda.

Obzirom da u ostavljenom roku koji je propisan zakonom povjeriоci ili neko od zainteresovanih lica nije izvršio uplatu predujma za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBiH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

Stečajni sudija

Antonela Đaković

POUKA O PRAVNOM LIJEKU:

Protiv ovog rješenja stečajni povjeriоci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objavljivanja rješenja u Službenim novinama.

